



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

OTVORENO

21-08-2020

Broj: 06-11-21864-6/20

Datum: 20.08.2020. godine

Na osnovu čl. 69. stav 2. tačka (e), 70. st. 1, 4. i 6. Zakona o javnim nabavkama BiH („Službeni glasnik BiH“, broj 39/14), člana 1. stav 1. tačka (a) pod (2) Pravilnika sa popisom ugovornih organa po kategorijama koji su obavezni primjenjivati Zakon o javnim nabavkama BiH („Službeni glasnik BiH“, broj 21/15), člana 8. stav 2. tačka (f) Pravilnika o uspostavljanju i radu komisije za javne nabavke („Službeni glasnik BiH“, broj 103/14), čl. 58. i 68. stav (1) Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, broj 45/19), na preporuku Komisije za javne nabavke broj: 06-11-21864-4/20 od 14.08.2020.godine, u postupku javne nabavke: Nabavka i isporuka ogrijeva za socijalno najugroženije pripadnike boračke populacije Kantona Sarajevo za 2020. godinu - uz primjenu E-aukcije u skladu sa Pravilnikom o uslovima i načinu korištenja E-aukcije („Službeni glasnik BiH“, broj 66/16), nabavka broj 06-14-21864/20 od 24.06.2020. godine, obavještenje o nabavci objavljeno na Portalu javnih nabavki pod brojem: 920-1-1-5-3-73/20 i u „Službenom glasniku BiH, Tenderska dokumentacija objavljena na Portalu javnih nabavki, Ministar za boračka pitanja Kantona Sarajevo donosi

## **ODLUKU**

**o poništenju postupka javne nabavke:**

**Nabavka i isporuka ogrijeva za socijalno najugroženije pripadnike boračke populacije**

**Kantona Sarajevo za 2020. godinu**

**Otvoreni postupak uz primjenu E-aukcije**

**JRJN: 03413000-8 (Drvo za ogrijev)**

### **Član 1.**

**Poništava se** postupak javne nabavke: Nabavka i isporuka ogrijeva za socijalno najugroženije pripadnike boračke populacije Kantona Sarajevo za 2020. godinu iz razloga što je, nakon okončane E-Aukcije, cijena ponude prvorangiranog ponuđača znatno veća od procijenjene vrijednosti javne nabavke.

### **Član 2.**

Za izvršenje ove Odluke zadužuje se sektor za ekonomske poslove i projekte Ministarstva za boračka pitanja Kantona Sarajevo.

### **Član 3.**

Ova Odluka objavit će se na web-stranici Ministarstva za boračka pitanja Kantona Sarajevo [www.mbp.ks.gov.ba](http://www.mbp.ks.gov.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

## Član 4.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama BiH.

### O b r a z l o ž e n j e

Postupak javne nabavke (Otvoreni postupak uz primjenu E-Aukcije): Nabavka i isporuka ogrijeva za socijalno najugroženije pripadnike boračke populacije Kantona Sarajevo za 2020. godinu pokrenut je Odlukom o pokretanju postupka broj: 06-11-21864/20 od 24.06.2020. godine sa procijenjeno vrijednosti 240.000,00 KM.

Obavještenje za predmetnu nabavku broj: 920-1-1-5-3-73/20 zajedno sa tenderskom dokumentacijom objavljeno je na Portalu javnih nabavki dana 24.06.2020. godine.

Sažetak obavještenja je isti dan upućen na objavu u Službeni glasnik BiH.

Krajnji rok za dostavljanje ponuda je 21.07.2020. godine u 10.00 sati.

Javno otvaranje ponuda je održano dana 21.07.2020. godine u 11.00 sati.

Komisija za javne nabavke imenovana Odlukom ministra broj: 06-11-9144/20 od 31.03.2020. godine i Odlukom o izmjeni Odluke o imenovanju komisije za javne nabavke broj: 06-11-9244-1/20 od 02.06.2020. godine, dana 21.07.2020. godine u 10.00 sati izvršila je javno otvaranje ponuda po otvorenom postupku javne nabavke: Nabavka i isporuka ogrijeva za socijalno najugroženije pripadnike boračke populacije Kantona Sarajevo za 2020. godinu.

Na javnom otvaranju ponuda ispred ponuđača su prisustvovali ovlašteni predstavnici uz uredno dostavljena ovlaštenja kako slijedi:

1. Šumarstvo Ljuta d.o.o. (Kemal Holjan i Šehović Emina)
2. Drvosječa Drugi d.o.o. (Uglješa Zinaida)
3. S.R.C.A. d.o.o. Olovo (Durić Aida)
4. Drvosječa d.o.o. (Džinović Azem)

a što je konstatovano u zapisniku o otvaranju ponuda.

Nakon javnog otvaranja ponuda zapisnici o zaprimanju ponuda i zapisnici o otvaranju ponuda su u zakonskom roku upućeni svim ponuđačima koji su dostavili ponude.

Ocjena i analiza ponuda je započeta dana 03.08.2020. godine u 10.00 sati.

Analizom ponuda utvrđeno je slijedeće.

1. ALI&VIS d.o.o. Kreševo - ponuda broj: 06-11-26603/20—ponuđena cijena: 240.000,00 KM bez PDV-a, odnosno 280.800,00 KM sa PDV-om. Popust na cijenu nije ponuđen.

Analizom ponude ponuđača ALI&AVIS d.o.o. Kiseljak utvrđeno je da je ponuda blagovremena, ali nepotpuna između ostalog iz razloga što je dostavljena samo originalna ponuda bez kopije ponude, a što je traženo tačkom 4.3 tenderske dokumentacije.

Nadalje, u dostavljenoj originalnoj ponudi dostavljeni su: Obrazac za cijenu ponude (Anex 1), Obrazac za ponudu (Anex 2), Izjava iz člana 45. Zakona (Anex 3), Izjava iz člana 47. Zakona (Anex 4), Izjava iz člana 52. Zakona (Anex 5), Povjerljive informacije (Anex 6), Nepopunjena garancija za ozbiljnost ponude, koja između ostalog nije dostavljena na način propisan tačkom 5.4.3 tenderske dokumentacije, Nacrt ugovora (Anex 9).

Ponuđač nije dostavio dokumentaciju traženu tenderskom dokumentacijom kako slijedi:

Tačkom 3.2. i 3.2.1 tenderske dokumentacije traženo je dokazivanje ekonomske i finansijske sposobnosti ponuđača, a što ponuđač u ponudi nije dostavio.

Tačkom 3.3. i 3.3.1 tenderske dokumentacije traženo je dokazivanje tehničke i profesionalne sposobnosti ponuđača, a što ponuđač u ponudi nije dostavio.

Tačkom 5.6. tenderske dokumentacije tražena je izjava o kvaliteti ponuđenih roba, a što ponuđač u ponudi nije dostavio.

Analizirajući ponudu u cijelosti, kao i svaki dokument iz ponude pojedinačno, komisija je utvrdila da ponuđač nije ispunio zahtjeve iz tenderske dokumentacije, te je dostavio nepotpunu ponudu koja se kao takva odbacuje.

2. S.R.C.A. d.o.o. Olovo – ponuda broj: 06-11-26609/20 – ponuđena cijena 308.385,00 KM bez PDV-a, odnosno 360.810,45 KM sa PDV-om. Popust na cijenu nije ponuđen.

Analizom ponude ponuđača S.R.C.A. d.o.o. Olovo utvrđeno je da je ponuda blagovremena ali nepotpuna iz slijedećih razloga:

Tačkom 5.6 tenderske dokumentacije traženo je da ponuđači dostave pismenu izjavu ovjerenu od strane ovlaštenog lica ponuđača, kojom garantuju vrstu i kvalitet ponuđene robe (bukovo ogrijevno drvo I klase).

U ponudi ponuđača S.R.C.A. d.o.o. Olovo je dostavljena tražena izjava, međutim u izjavi nije naznačeno da se radi o bukovom drvetu, te se dostavljena izjava odlukom komisije za nabavke ne može prihvatiti jer ne ispunjava uslove iz tenderske dokumentacije.

Nadalje, ponuđač je u ponudi propustio dostaviti dokaz iz tačke 3.3 pod d) i 3.3.1 pod d) a koji se odnosi na dokazivanje da posjeduje „RAM“ za mjerenje ogrijevnog drveta ili da ima pristup istom i da je isti baždaren od strane Instituta za mjeriteljstvo (uvjerenje, potvrdu, certifikat ili neki drugi dokument izdat od strane Instituta za mjeriteljstvo) iz koga će se vidjeti baždarenost RAM-a za mjerenje ogrjevnog drveta.

Analizirajući ponudu u cijelosti, kao i svaki dokument iz ponude pojedinačno, komisija je utvrdila da ponuđač nije ispunio zahtjeve iz tenderske dokumentacije, te je dostavio nepotpunu ponudu koja se kao takva odbacuje.

3. DRVOSJEČA DRUGI d.o.o. Sarajevo, ponuda broj: 06-11-26606/20 – ponuđena cijena 311.500,00 KM bez PDV-a, odnosno 364.455,00 KM sa PDV-om

Analizom ponude ponuđača Drvosječa Drugi d.o.o. Sarajevo utvrđeno je da je ponuda blagovremena ali nepotpuna iz slijedećih razloga:

Ponuđač je u ponudi propustio dostaviti dokaz iz tačke 3.3 pod d) i 3.3.1 pod d) a koji se odnosi na dokazivanje da posjeduje „RAM“ za mjerenje ogrijevnog drveta ili da ima pristup istom i da je isti baždaren od strane Instituta za mjeriteljstvo (uvjerenje, potvrdu, certifikat ili neki drugi dokument izdat od strane Instituta za mjeriteljstvo) iz koga će se vidjeti baždarenost RAM-a za mjerenje ogrjevnog drveta.

Analizirajući ponudu u cijelosti, kao i svaki dokument iz ponude pojedinačno, komisija je utvrdila da ponuđač nije ispunio zahtjeve iz tenderske dokumentacije, te je dostavio nepotpunu ponudu koja se kao takva odbacuje.

Tabelarni prikaz ponuđača čije su ponude blagovremene, potpune i zadovoljavaju uslove postavljene u tenderskoj dokumentaciji sa ponuđenim cijenama:

Redni broj	Ponuđač	Vrijednost ponude (bez PDV-a)	Popust	Vrijednost ponude sa popustom bez PDV-a	Vrijednost ponude sa popustom sa PDV-om
1.	Šumarstvo Ljuta d.o.o. Konjic	279.259,75 KM	0%	279.259,75 KM	326.733,90 KM
2.	Drvosječa d.o.o. Sarajevo	317.730,00 KM	0%	317.730,00 KM	371.744,10 KM

Nakon analize svih pristiglih ponuda, te utvrđivanja njihove blagovremenosti i potpunosti utvrđeno je da su ponude ponuđača Šumarstvo Ljuta d.o.o. Konjic i Drvosječa d.o.o. Sarajevo blagovremene i potpune, te da ispunjavaju uslove za primjenu preferencijalnog tretmana

domaćeg, te učešća na E-Aukciji koja je provedena u skladu sa Pravilnikom o uslovima i načinu provođenja E-aukcije ("Službeni glasnik BiH", broj 66/16).

Nakon okončane procedure pregledanja i ocjene ponuda, komisija je zakazala E-Aukcija za dan 10.08.2020. godine u 10.00 sati sa naznačenim preferencijalnim tretmanom za obje prihvatljive ponude.

Dana 10.08.2020. godine Agencija za javne nabavke BiH je dostavila elektronski izvještaj o uspješno provedenoj E-Aukciji sa rangiranim ponudama kako slijedi:

1. Drvosječa d.o.o. Sarajevo IDB 4201087380009  
sa konačnom ponuđenom cijenom 278.400,00 KM bez PDV-a, odnosno 325.728,00 KM sa PDV-om.
2. Šumarstvo Ljuta d.o.o. Konjic IDB 4227234990003  
sa konačnom ponuđenom cijenom 278.700,00 KM bez PDV-a, odnosno 326.079,00 KM sa PDV-om.

Nakon okončane procedure i dostavljene rang liste od strane Agencije za javne nabavke utvrđeno je da je ponuđena cijena prvorangiranog ponuđača veća od procijenjene vrijednosti nabavke za 38.400,00 KM, odnosno 16%

U članu 69. - Zakona o javnim nabavkama BiH („Službeni glasnik BiH“, broj 39/14), koji se odnosi na prestanak postupka javne nabavke, te stava (2) navedenog člana koji se odnosi na uslove pod kojima je ugovorni organ obavezan poništiti postupak javne nabavke, kao jedan od razloga navedenih u tački e) navodi se:

„cijene svih prihvatljivih ponuda znatno su veće od osiguranih sredstava za predmetnu nabavku“. Primjenjujući član 69. stav 2) tačka (e) Zakona o javnim nabavkama BiH, Komisija za javne nabavke je zauzela stav da se ministru kao predstavniku ugovornog organa predloži poništenje postupka javne nabavke: nabavka i isporuka ogrijeva za socijalno najugroženije pripadnike boračke populacije Kantona Sarajevo iz razloga navedenih u članu 69. stav. 2) tačka (e) Zakona o javnim nabavkama BiH.

Napominjemo da je procjena vrijednosti predmetne javne nabavke izvršena na osnovu prošlogodišnjih cijena kao i istraživanjem tržišta cijena ogrijevnog drveta prije pokretanja predmetnog postupka javne nabavke za 2020. godinu.

U postupku je utvrđeno da je Komisija u svemu pravilno postupila, te da je preporuka o poništenju postupka javne nabavke data u skladu sa članom 69. stav 2) tačka (e) Zakona o javnim nabavkama BiH, podzakonskim i internim aktima i tenderskom dokumentacijom.

Iz navedenih razloga odlučeno je kao u članu 1. ove Odluke.

### **POUKA O PRAVNOM LIJEKU**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se podnosi Ministarstvu za boračka pitanja Kantona Sarajevo u 3 (tri) primjerka.

**MINISTAR**

**Hajrudin Grabovica**

Dostaviti:

1. Ponuđačima X5;
2. Evidenciji;
3. a/a.



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251  
Sarajevo, Reisa Džemaludina Čauševića 1

